

**IN THE TRADITIONAL RIGHTS COURT
REPUBLIC OF THE MARSHALL ISLANDS**

MAJURO ATOLL)	CIVIL ACTION NO. 1990-053
JEKDRON MACK,)	
)	
Dri abnono,)	
)	
Nae.)	<u>UWAK IM KOMELELE IN UWAK</u>
)	
LININMETO & TONY EDWARDS,)	
)	
Dri jumae abnono.)	
)	

UWAK IN KAJITOK NO. I: Jekdron Mack eo ej kabijor maron eo an alab ilo weto in, Jebeten ion Enemanit IslaOnd.

KOMELELE IN UWAK EO NON KAJITOK NO. I: Uwak eo kinke Jekdron eo ekkar bwe en binej jenkwon kar eliktata in bwij eo an Litabwinwa, eo im ej jen jowi eo an Riluwut im eliktata in lellab eo ilo bwijin Riluwut ilo jikin kein. Litabwinwa ej bwij eo eritto im ilo bwij eo edrik jibin Jekdron, Lijiel ej botoktok nejin alab im emol ak kinke Lijiel ej kora im nejin Lijiel Lukelan im nejin Lukelan Jekdron Mack. Jekdron Mack ej nejin kora kin menin Jekdron Mack nejin bwij eo, manit in Marshall botab uwan jowi in ekel etan **Raej**, ejja ekkar in wot ilo alab ilo manit in Marshall bwe jowi an jinen etan **Raej**.

Itok non naan eo an dri jumae abnono Lininmeto, ej ba bwe Litabwinwa ear ba bwe ej lelok maron in alab im dri jermal non Albert im Binot, menin ejab maron kinke ilo mantin Marshall juon alab eban aje maron in alab eo non nejin im non konan eo an make elane ejab kin un ko rekkar im ilo an kebak ro uwan bwij eo mokta. Lukun manit eo in im jekdron ne ej bok maron in alab eo ak ejab maron komon einwot in mae ien eo enaj emon iben bwij eo.


Itok wot non kar uwak eo juon an Lininmeto ke ear uwak im ba, "Ijaje, ijela wot ke ekar ba ej **katleb** e lok non erro." non kajitok eo ejela ke ta unin an kar Litabwinwa kar jiron lok Albert im Binot bwe erro en etal bwe en **katleb** erro na ilo weto in, Jebeten. Naan kein an Lininmeto elab aer jelet mantin Marshall kinke naan in **katleb** ej an wot iroiylaplap ro. Tellokin wot iroiylaplap naan in **katleb**.

UWAK IN KAJITOK NO. II: Ikotan Jekdron im Lininmeto, court in ej kile bwe maron eo an dri jermal ej bed ion aeran Lininmeto.


KOMELELE IN UWAK EO NON KAJITOK NO. II: Court in non bok tukadu in iwak kajitok in ej bok lemnak in bwe enin ke Litabwinwa ear ilok im ba non Albert im Binot bwe ren ilok non Enemanit Island im joke ilo

Jebeten weto im jermal bwe ej **katleb** erro ilo maron in jermal ilo weto in. Ilo konono ko ear wor konono ke Litabwinwa ear kokajririki leo jemen Albert im Binot. Elane eindrein ekwe Albert emaron in bok maron in dri jermal eo kinke Litabwinwa ear kokajririk jemeir. Kio, inem Lininmeto, einwot ke ej nejin Binot, kora eo jatin Albert, ej ie eo ej kabijor maron eo an dri jermal.


Dated: Oct-16-1992



BOLLONG JOHLUR
Acting Chief Judge
Traditional Rights Court
Republic of the Marshall Islands




JEJA BOTLA
Associate Judge
Traditional Rights Court
Republic of the Marshall Islands



THADDEUS SAMSON
Associate Judge
Traditional Rights Court
Republic of the Marshall Islands

FILED

OCT 19 1992

ASST. CLERK OF COURTS
REPUBLIC OF MARSHALL ISLANDS